

Das Neunde Buch.

Unglaubige
Heyden.

Euangelica, Augustinus, Gregorius, vnd andere mehr. Vnd ist wol eine schande/
das man jetzt vnter denen/ die Christen sein vnd heissen wollen/ noch Leute finden sol/
die an solchem Aberglauben fester vnd steiffer halten/denn etwan die ungläubigen Hey-
den gethan/ Pythagoras, Carneades, Bion, Eudoxus, Plotinus, Porphyrius,
Phauorinus, apud Gellium lib. 4. cap. 1.

Was aber hierauff zu halten/dauon mag man lesen Ciceronem de diuinatione,
Marsilium Ficinum, Leonicum, Ioannem Franciscum Picum Mirandula
comitem, Ioannem Marlianum, Nicolaum Oresimum, Iohannem Caluinum,
contra Astrologiam Iudiciariam, vnd Sixtum Senensem, lib. 6.

Bibliothecæ sanctæ annotat. 10.

Das Neunde Buch.

Vom gesuchten/entweder mit gewalt oder list zu wegen
gebrachtem/ oder erkaufttem/ oder sonst
angemastem Adel.

Das Erste Capittel.

Von gewaltsamem/ zu sich gerissenem
Adel.



1.
2.
3.

Waltsamer Adel
ist/ Wenn etliche/ so die
gewalt vnd macht für
andern haben/ für sich
selbs zufaren/ vnd andere
leut entweder aus not od
furcht/ ein ergers zu ver-
hüten/ vnter sich bringen vnd beherrschen/
Oder aber mutwilliger tyrannischer weise/
nur aus begierde zu regiren/ neben inen vn-
terdrücken/ vnd also die Herrschafft/ Da-
bergewalt vnd Regiment an sich bringen/
darnach jres gefallens regiren/ vnd von je-

derman gefürchtet vnd geehret sein wollen.

Wiewol nu hierunter ein grosser vnterscheid ist/ ob einer aus not vnd hochbedenck-
lichen vrsachen/ oder aus lauter ehrgers vnd begierde zu herrschen/ zu solcher macht vnd
gewalt gelanget/ so wird doch alle solche hoheit/ herrschafft vnd vorzug/ vor vnd vber
andere Leut für Adel geachtet. Wie denn daher auch gesagt wird/ Quod præcipiens
semper sit nobiliss obediens conditione, das der/ so einem andern zu gebieten hat/
allzeit Edler sey/ denn der/ so im gebieten lassen/ vnd gehorsam leisten mus.

Stambrodt.

Solcher gewaltsamer Adel hat sich zum erstenmal nach der Sündflut mit dem
Nimroch angefangen/ wie aus Petri Comestoris historia scholastica lib. 1. cap. 35.
zu sehen.

Dieser